

ab2^r

DE INSIGNIBVS CVM
NOBILITATE GENERIS
TVM VIRTUTE ET ERVDITIO-
ne Præfantis viri, Domini Iohannis de
Leyhen in Vrbe Confluentia
Præfecti dignissimi,
Epigramma.
Poëta loquitur.
PAnde mihi Clio, Ioañis nobilis ecquid,
Aliger in Clypeo uult radiante canis?
Fidus ut ignotos à fedibus arcet amicos,
Et Domini feruat limina nocte canis.
Ne rabidus pleno lupo infidietur ouili,
Infidijs fures excipiantúe caprum.
Sic præfants vrbé Rector virtute gubernans,
Mænia defendit ciuibus alta luis.
Inclyta fulmineo ne iura sub enfe gerantur,
Atquò bono defit gratia, pœna malo.
ab ij Corda

POET.

CLIO.

ab2^v

-
- POET. Corda tamen leuib. quare pingantur in alis?
Dic Dea, quæ Regum fortia gesta tenes.
- CLIO. Quòd sine confilijs benè nil succedat agenti,
Pectoris arcanum quæ penetrare gerit.
Quifq; in alta uolans pernicious utitur alis,
Cordis ut is uires confulat ante fui.
Ne ueluti Phaëthon, aut flebilis Icarus olim,
Aequoris in rapidas præcipitetur aquas.
- POET. Sed trabs in medijs qd cãdida denotat armis?
Ne quælo pigeat commemorare mihi.
- CLIO. Alta uelut Regis trabibus fulcitur acernis,
Vt ualeat lapides sustinuisse, domus.
Sic vir honorificas tueatur nobilis artes,
Atq; ruinosis trabs uelit esse scholis.
Id decet hos primũ q nobilitate triumphãt,
Et curæ debet regibus esse bonis.
Hæc quia loãnes uigili benè mente reuoluit,
Par fit ut eximijs nobilitate uiris.
Non fuluum, uelut est mos temporis huius,
(ob aurum,
Ista sed ex merito uendicat arma tibi.
Francoforti ad Mænum, Hartmannus
Schoppenus Noricus, faciebat.

ab3^r

Dem Edlen Ernueften Jo=
hann von der Leyen / Amptmann
zu Coblentz / meinem gũnftigen Her=
ren vnd Junckherrn.
EDler/ Ernuefter
Herr/ E. E. feien mei
ne willige dienfte / je=
derzeit zuuor/ Nach=
dem der Chriftlichen Potentaten/
Keyfer/ Kõnige/ Fũrften vnd Her=
ren/ auch aller andrer Regenten/
Oberkeit / fũrnemeft lob vnd ehre /
gedeyhen vnd wolfart/ in dem fte=
het vnd begriffen/ das lie fromb/
Gottfelig/ verftendig/ weiß/ klug/
tugentfam/ warhafft / gerecht vnd
auffrichtig feyen/ auch in allem jh=
rem thun getrew / vleiffig vñ ernft
ab iij vor

ab3^v

Vorred.

vor die jenigē welchē sie in gemein
oder in sonderheit vorstehn/ raten
vnd helffen/ schützen vñ schirmen/
follen/ ꝛc. So hat solchs der vortref
lich hochgelert Erasmus vō Roter
dam wol gewußt vnd bedacht/ auß
welcher vrfach er dise feine anwei
fung/ vnterrichtung vñ lere auß vi
len nützlichē büchern vñ sprüchen/
der alten weisen/ sinnreichen/ ver
ftendigen Lernern vnd Scribentē /
in difem Buch / welches er Inftitutio
nem Principis Christiani genent/ vnd
dem durchleuchtigften hochlōblich
ften Kōnig in Hispanien/ vnd Rō
mifchen teutfchē Key. Carolo dem
V. vnferm aller gnedigtē Herrn/
vor etlich vñ 40. jarn in latinifcher
sprach zugefchriben/ vnd in Truck
auß=

ab4^r

Vorred.

außgehn hat laffen/ welchs Buch
darnach von anderen in Teutfche
ſprach verwandelt vñ jetzt wider=
uñ vberfehen vñ verbeffert wordē
ift/ alfo dz es nit allein allen Chrift
lichen Potentaten/ Keyfern/ Kõni
gen/ Fürften vnd Herrn/ vmb dero
willē es vornemlich (doch der hoch
gemeltē K. M. fonderlich zu ehrn)
gefchriben/ fonder auch allē ande=
ren Regenten/ Oberkeitē/ verwal
tern/ Amptleutē vñ befehlhabern
dienlich vñ nützlich fein kan/ Der=
wegē dann auch der weiß vortref=
lich hochuerftendig gelert Mann
Plato gefchriben/ dz ein land oder
Stadt nicht beffer beftehen vnnd
glückfeliger fein könne/ dañ fo den
weifen frommen verftendigen die
ab iiij re=

ab4^v

Vorred.

regierung befohlẽ wirdt/ oder das
die jenigen/ fo regieren sollen/ felbs
weiß vñ verftendig feien/ vnd nem
lich alfo weiß/ gelehrt vnd verften
dig/ daß sie Gott fürchten vnd vor
augen haben/ die warheit vnd ge=
rechtigkeit lieben/ handthaben/
wie der Kõnig Salomon sie leh=
ret / vñ fagt: Der weißheit anfang
ift Gott fürchten / erkeñen vnd lie=
ben/ vnd feine gebott halten. Der=
felbigen meynung daß auch Eraf=
mus von Rotterdam dife feine leh=
re/ fprüche/ vnd exempel / verma=
nungen vñ warnungen auß Grie=
chifchen vñnd Latinifchen Scri=
benten außgeklaubet / vnd in diß
Buch füglich vnd nützlich zufam=
mẽ bracht hat/ alfo das ein Fürft/
Re=

ab5^r

Vorred.

Regent/ Oberkeit/ Vnterthan/
Herren vnd Diener / jeder darinn
nach feinem ftand fehen vnd ver=
nemen kan/ was jhm feins ampts
vnd ftands halben gebüret zuthun
vnd zu laffen. Nemlich/ das jhenig
vorzunemen/ zu handeln vnd auß
zurichten/ was ehrlich/ recht/ vnd
löblich ift/ vnd zu gemeynem nutz=
en fürtreghlich/ Vnd wie zwar die
Regierung an jhm felbs ein groß
herrlich werck/ alfo ift fie auch ein
fchwer gefehrlich ding. Weil aber
folches nicht allweg bedacht oder
angefehen wirdt / vnnd einer heut
zur Regierung auff dife weiß/ der
ander morgẽ auff ein andre weiß
zu der Oberkeit kompt/ Einer wirt
darinn geboren/ der ander darzu
ab v erweh=

ab5^v

Vorred.

erwehlt oder erkorn/ der dritt dar=
zu erkaufft/ oder dringet sich felbs
hinein/ wie denn folchs mancher=
ley weiß in den hiftorien/ gefchich=
ten vnd Exempeln zu fehen/ auch
auß der erfahrung zubefinden/ fo
hat jedoch der Herrliche Vortreff=
liche gelehrte Herr Erafmus/ in
betrachtung der wege/ weiß vnnd
mittel allen/ den richtigften/ ftär=
ckften einfeltigften ficherften vnd
bestendigften meines erachtens /
vor die handt genommen zu be=
fchreiben vnnd anzuzeygen / die
Regenten vnnd Oberkeit / nem=
lich zur GOTtfeligkeit/ zur war=
heit vnnd gerechtigkeit anzufüh=
ren vnd zu vermanen/ weil vleiffi=
ger bericht / anhalten vnd verma=
nen

ab6^r

Vorred.

nen zur tugendt vnnd rechter löb=
lichen Regierung bey guten ver=
ftendigen Leuten viel gutes ſchaf=
fet vnd außrichtet / wie dann auch
fromme vleiffige Eltern / vnnd
Schulmeifter bey jhren gehorfa=
men Kindern vnd Schülern viel
frucht vnd nutztes ſchaffen vñ auß=
richten/ nach dem alten feinen
Sprichwort/ Cura & Labor omnia
poteft. Vleiß vnd Arbeit thut viel
inn folchen ſachen. Darumb ſo
follen nicht allein die Regenten
vnnd Oberkeit dieſes Buch felbs
vleiffig leſen/ ſondern auch jhren
Amptleuten vnd Dienern befeh=
len/ daffelbige zu leſen/ vnd zu wif=
ſen / darauß dann die erfahrung
täglich gibt / wie ſich ein jeglicher
nach

ab6^v

Vorred.

nach feim ftand in die Regierung
recht fchicken/ vnd darinn halten
foll / er feye Regent oder Vnter=
than/ Herr oder Diener/ in wel=
chen beyden vnterfchiedlichen ften
den/ nemlich entweder felbs regie=
ren/ oder der Regierung vnter=
worffen fein/ die gantze welt/ vnd
weltliche hendel gefalfet vñ begrif=
fen find/ E. E. aber dieses werck zu
dedicieren vnd vnter derfelben na=
men vñ fchutz in Truck zufertigen/
hab ich guter hertlicher meynung
nit vnterlaffen kōñen noch mögen.
Dieweil vnd mir E. E. gūntiger
geneigter wille zu allen guten lōb=
lichen Kūnften vnd Būchern von
vielen Jaren her in Jtalia vnnd
fonft bekant worden/ Neben dem/
das

ab7^r

Vorred.

das E. E. jetzt in verwaltung der
Oberkeit erhaben / dauon sie in
ditem wiewol kleine Bûchlin nûtz
lichen fûrtrefflichen bericht/ was
jr zuthun vnd zulaffen sey/ ersehen
vnd finden wirt / Trôftlicher vnge
zweiffelter hoffnung E. E. werde
diese dedication vnd mein geneig=
tes gemût gegẽ E. E. nicht anders
auff vnd annehmen/ deñ welcher
massen es bey mir stehet vnnd gu=
ter hertzlicher meynung geschicht.
Der Allmechtig Ewig Gott ver=
leihe E. E. zu jhrem Ampt glûckfe=
lige wolfart vnd sonft zu leib vnd
Seelẽ allesheyl vnd langwirigen
anftand / Thue mich hiemit E. E.
trewlich befelhen mit erbietunge
meiner willigen dienfte gegen
E.E.

ab7^v

Vorred.

E. E. vnd dem gantzen Hauß von
der Leyen. Datum Franckfurt
am Mayn/ Nach Chriftn vn=
fers Heylands geburt/
1566. den 2.
Aprilis.

E. E.

gehorfamer Diener
Sigmund Feirabend
Buchhändler.

ab8^v

1. Von einer Erinnerung des
gemeinen Volcks.
ES sind etliche mei-
nungen/ die in dem ge-
meinen Volck hefftig
eingewurtzelt sind als
gut / die doch fast schäd-
lich vñnd Vnchriften=
lich sind/ Dañ das gemeine Volck / das
durch anfechtung verblendet ist / vr-
teilet felten das best. Ich verstehe aber
hie bey dem gemeinen Volck nicht al-
lein die Leyen vñnd einfeltigen Leut/
fonder alle die / die da also verblind
sind/ hengen nach jren anfechtungen/
achten mehr das falsch vñnd betrieg-
lich/ dann das waar vñnd ehrlich/ sie
seyen gleich Hoch oder Nider. Es ist
nicht füglich oder zimlich / das man
das Richtscheidt vñnd Winckelmaß
richt vñnd mache nach dem Holtz/ son-
dern viel mehr zimpt es sich / daß das
Holtz gericht vñ gemacht werde nach
dem Richtscheidt vñnd Winckelmaß.
Christus Jesus ist diß Richtscheidt /
vñnd

c1^r

Erklerung etlicher Wörter.

vnd sein heilige Euangelifche Lehr /
darumb zimpt es sich einem jeglichen
fromen Chriften (befonder einem Für=
ften) das er sein leben gantz nach die=
sem Richtfcheid richte / vnd außbreut=
te/ veracht/ vnd verwerff alles das/ fo
diefem wider ift/ vnd infonders folche
meynungẽ deß gemeinen Volcks. Dañ
der da begert mit gantzem gemüt
Chrifto nachzufolgen / muß sich weit
von wercken vnd meynungen des ge=
meinen Volcks ziehen/ vnd allein auff
das fürbild vñ den Bildner Chriftum
ein aufffehen haben / den er für ein
zweck hat fürgefelt. Vnd der da wil
ein frommer Chrift sein / muß eingra=
ben in sein hertz gute/ ehrliche meynun
gen/ von denen dingẽ / die er thun vnd
laffen foll / Dann nachdem ein jegli=
cher ein meynung vnd vrtheil in jhm
hat/ darnach richt er auch seine wort
vnd fitten. Vnd damit man mög ver=
ftehẽ/ was da feyen die böfen verkerten
meynungen / dargegen die meynun=
gen fo einem Chriften wol zimmẽ / wil
ich fie beyd hienach erzelen.

c Von

c1^v

Erklärung

Von Armut vnd Reichthumb/
 vrtheil des gemeinen Volcks.
 ALle Menſchen haſſen vnd
 verwerffen Armut / achten
 groß/ Silber/ Gold/ Edelge=
 ſtein / hübfche kleider / groß
 gut vñ reichthumb / vñ wel=
 cher diß hat / den achten ſie felig. Diß
 iſt ein verkerte meynung vnd vrtheil
 des gemeinen Volcks/ vnd der weltli=
 chen Menſchẽ. Dargegẽ iſt ein Chriſt=
 liche meynung/ Reichthumb vnd alle
 ding ſo da kommẽ von des glückßfall /
 verachten/ Dann die ding alle/ mögen
 den menſchen nicht vmb ein haar bef=
 fer oder feliger machen. Allein tugen=
 den vñ frombkeit des lebens entſprin=
 gen auß gnaden Gottes/ vnd Chriſt=
 liche liebe/ macht den Menſchen hie
 vnd dort felig. Gnug felig/ ja allein ſe=
 lig acht den / der da Chriſtum d3 ober=
 ſte gut beſitzt vnd hat/ der das kôftlich
 Berlein eines frommen Chriſtlichen
 gemûts gleich mit ſchaden vnd ver=
 lierung alles guts mag vberkommen/
 der

c2^r

etlicher Wörter.
 der da findet den Schatz der waren
 weißheit/ der da köftlicher ift dann al=
 le reichthumb/ der da vñ Chrifto dem
 aller reichften kaufft das gold/ bewert
 durch das Feuer/ das er reich werde.
 Dann was find Gold / Silber / Edel=
 geftein / Acker vnd Wiefen / vnd alle
 ding / die das thõrichte Volck groß
 achtet? Fålfchlich werden fie genen=
 net Reichthumb/ in der warheit find
 es Dõrn/ die den Samen des Wort
 Gottes erftecken/ als Chriftus im E=
 uangelio lehret. Es find fchwere bûr=
 den/ durch die wir befchweret/ nicht
 mögen durch den engen Weg / Chri=
 fto dem bloffen vñnd nackenden /
 nachfolgen/ noch durch die nieder=
 trechtige Thûr eingehen in das Reich
 der Himmelen. Nicht achte dich ei=
 nes haars beffer/ ob du fchon reicher
 wereft dann Crõefus vñnd Midas/
 fõndern fo viel defter verhäffter/ ge=
 hinderter/ vnd befchwerter. Der hat
 faft genug / der diß alles mit ftar=
 ckem / feftem gemût / mag vñnd kan
 verachten / dem ift genug fürfehen /
 c ij dem

c2^v

Erklerung

dem Chriftus verheiffen hat / das jhm
 nichts werd manglen / den wirt nicht
 hungerẽ/ dem da wol ſchmeckt d3 Him
 melbrot des Göttlichen worts / Der
 wirdt nicht nackend fein vnd bloß / der
 Chriftum das kőftliche Kleid anleget.
 Das acht allein fůr ein ſchaden / fo dir
 etwas abgeht an frombkeit / vñ fo die
 lafter in dir zunehmen. Acht das fůr
 ein groffen gewinn / fo dein Gemůt
 durch zunemung der tugenden/ beffer
 ift worden. Nicht meyne das dir et=
 was mangle/ fo du den haft/ in dem
 alle ding find.

Von warem vnd falſchem
 Wolluft.

DJe Weltlichen Menſchen
 nennen Wolluft / kőftlich
 effen vnd trincken / kőftli=
 che zierliche kleider/ zãrte
 des leibs / fingen / tãtzen/
 ſpringẽ/ mutwill/ frechheit/ vnkeufch=
 heit/ vnd alles das thun/ das einen ge=
 lůft. Diß ift ein verkerte meynung/ vñ
 in der warheit heißt es ein vnfinnig=
 keit/

c3^r

etlicher Wörter.
 keit / vnd ein groffe torheit/ diß ift ein
 füß giff / vnd ein fenffter todt. Nun
 merck was ein Chriftliche meynung
 fey. Der eintzige vnd ware rechte wol=
 luft/ ift die frewd einer reynen vñ lau=
 teren Conscientz. Die köftliche wolbe=
 reite Speiß/ ift fleiffige lefung der Hei=
 ligen Gefchrifft / Das aller lieblichfte
 gefang/ find die Pfalmen des heiligen
 Geifts/ Die aller kurtzweiligefte ge=
 fellfchafft/ ift gemeinfame der heiligen
 fromen Menschen / Die höchfte frewd
 vnd kurtzweil / ift nieffung des waren
 guts. Nicht alles das / das da wol
 fchmeckt / ift darumb gleich gut / fon=
 der das den gefunden wol fchmeckt.
 Wann der / der dz Fieber hat/ fpricht/
 das jn dz Waller/ Wein düncket fein /
 diß nennet niemand wolluft / fonder
 ein kranckheit. Gröblich jrreft du/
 wann du meynft das den frommen
 Menschen nicht jre trähern viel mehr
 frewd vnd kurtzweil geben/ dann den
 vnfrommen jre gelechter vñ fchimpff/
 jnen fchmeckt baß jr faften / dann de=
 nen jhr Fafand vnd Rebhüner / vnd
 c iij andere

c3^v

Erklerung

andere ſchleck. Warer wolluft/ ift fol=
ches falſchen wolluft vmb der der liebe
Chrifti kein acht haben.

Von Liebe vnd Haß.

WAn achtet / ſo ein Jüngling
ein vnſinnige liebe hat / zu
einer Jungfrawen / er hab
ſie lieb/ So doch diß heyßt
warlich haſſen vnd feind fein. Dann
ware liebe begert allweg nützlich fein an=
dern Leuten / auch mit jhren eygnen
ſchaden. Nun dieſer Jüngling der al=
ſo bulet dieſe Magt/ hat allein aufffe=
hen auff ſeinen wolluft/ ftellt heimlich
nach mit freundlichkeit der wortē/ vñ
mit gaben / das er jhr entfrembdt vnd
nemme das beſte ſo ſie hat/ reinigkeit/
ſcham/ vnd zucht/ einfalt/ jhren guten
leumbdē/ Vnd darumb haſſet er ſie vñ
hat ſie nicht lieb.

So die Eltern jhren Kindern mut=
will geſtatten/ vnd zu viel nachlaſſen/
ſo ſpricht man / wie zartlich haben die
jre Kinder lieb/ ſprecht du/ wie haſſen
ſie die ſo graufamlich. Der Vatter hat
lieb

c4^r

etlicher Wörter.

lieb feine Kinder / der sie ftrafft / vnd
 der haffet feinen Son / der da fpart die
 ftraff. Wir neñen den ein tugenthaff=
 ten Meifter / vnd ein guten Fürften /
 der in etlichen laftern durch die finger
 ficht / oder gunft vñ willen darzu gibt /
 Diß heißt nicht gütigkeit vnd freund=
 fchafft / fond⁹ ein warlicher haf. Wen
 Gott lieb hat den ftrafft er / Ein zey=
 chen ift es feines groffen zorns/ vñ das
 er vns verworffen hat/ fo er die Sün=
 der nit ftrafft. Der fich felbs bößlich vñ
 vnordenlich lieb hat / der ift fein felbs
 tödtlicher feind/ der mit jm felbs zu vil
 mitleiden hat / der ift jm felbs faft ge=
 hafs/ fein felbs wol wartẽ/ ift fich felbs
 verderben. Wol letzen vñ beleydigen/
 ift nütz fein / wol fchaden vnd verder=
 ben/ ift behalten. Dann fo haft du acht
 vnd forg auff dich felbs/ fo du die an=
 fechtung des fleifchs verachteft / wañ
 du die lafter ftrafft/ Dann fo thuft du
 guts deinem nechften / wann du den
 Sünder tödteft / aber den Menfchen
 behalteft/ Wann du das verderbft/
 das der Menfch gemacht hat / vnd

c iiij rich=

c4^v

Erklerung

richteft wider auff das/ das Gott gemacht hat. Jetzt haftu (als ich meyn/ gehört / was ware vnd falſche lieb fey. Dargegen was warer vnnd falſcher haſs fey.

Von gewalt vnd ſtercke.

ES ſprechen die thorechten Menſchen/ der fey gewaltig/ der da möge wem er wölle / leichtlich ſchaden bringē vnd beleydigē/ einem andern das fein nemmen. Dargegen die/ die folchs leiden vñ beraubt werden/ die achten wir ſchwach vnd verachtet / vnd diß iſt ein großer jrrfall. Aber merck jetzt ein Chriſtliche meynung/ Allein Gott iſt warlich gewaltig / der da nit mag ſchaden/ ob er es ſchon wolt / vnd wil es nicht/ ob er es ſchon möchte / dann fein natur iſt guts thun. Niemandt mag den andern beleydigē/ er muß ſich felbs vor beleydigē/ niemand mag den andern beraubē feines zeitlichē guts/ er hab ſich felbs dann vor der liebe/ (die da iſt das größte gut) beraubt/
nie=

c5r

etlicher Wörter.
 niemand mag ein andern wunden/ er
 habe dann vor fein Seel mit der Sün=
 de vñ böfen begirden verwundet/ kei=
 ner nimpt dem anderen fein Leben/ er
 habe denn vor jm felbs das Leben der
 Seelen genomē. Vnd darumb in der
 warheit vnd Chriftlichẽ meynung/
 ift der nit ftarck/ der gewalt brauchet
 zu letzẽ/ fonder er ift fchwach vñ blõd.
 Der aber mit gedult die fchmachheit
 leidet / ift nit fchwach vnd blõd/ fon=
 der ftarck vnd mannlich. Der heylige
 Paulus der da niemand beleydiget/
 fonder mannlich alle widerwertigkeit
 vnd letzung/ fo jm von andern gefcha=
 hen/ leyd/ fpricht/ ich vermag alle ding
 in dem / der mich fterckt. Starck vnd
 keck nennt das gemein Volck den / der
 da gryñ ift vnd wunderlich / fein felbs
 nicht gewaltig/ das er zu einer jeden
 leichtẽ fach vñ vnwill / erzürnt würt /
 vñ fchmach mit fchmach widergiltet /
 vbelthat mit vbelthat. Dargegen/ der
 folchen empfangnen vnwill kan lei=
 den/ der thut gleich als wer er nit be=
 leydiget / mit gedult vertrücken / den
 c v nen=

c5^v

Erklärung

nennen sie verzagtt/ vnkeck/ kleinmü=
 tig/ vnd nit dapffer / Diß ift aber grôb
 lich jrren/ vñ abweichen von der war=
 heit vnd Chriſten regel. Weit ift es vñ
 gantz frembd von einem großmüti=
 gen / kûnen / dapfferen Mann / durch
 ein wórtlein erzúrnt werden / vnd be=
 wegt in jhm felber / entfetzt der ver=
 nunfft. Ein groß gemût achtet nicht
 die torheit eines andern / vnd dünckt
 ſich felbs zu gut darzu / das es ein
 ſchmach mit der anderen vertreiben/
 vnd vberwinden. Ein groß / ſtarck / vñ
 hoch gemût / verachtet alle ſchmach
 vnd vnwill / vnd widergiltet vmb v=
 belthat/ gutthat. Vnd darumb heißt
 der nicht ſtarck / der kûn ift gegen fei=
 nem Feind / der die mauren beſteigt/
 der fein leben verachtet/ vnd ſich in
 alle ſorg vñ fehrlichkeit wirfft / das ge
 hört zu dē Fechtern. Aber der ift ſtarck/
 der fein gemût / vnd ſich felbs mag
 vberwinden/ der von hertzē guts mag
 wóllen denē / die jm vbel wóllen/ guts
 thun denen/ die jm vbels thun/ guts
 wúndfchen vnd reden denē/ die jm böß
 wúndfchen vnd reden.

Von

c6^r

etlicher Wörter.

Von Lob/ Ehr vnd Rhum/

Schmach vnd Schand.

DV wirft gelobt / hab acht /

warumb/ von wem/ Wirftu

gelobet vmb ſchandliche

dinge/ vnd das von vnehr=

lichen/ ſchandlichen men=

ſchen / ſo iſt es warlich ein ſchmach /

vñ falſch lob. Wirftu aber geſcholten

vñ verſpottet / hab acht von wem / vñ

warumb geſchicht es dir / vmb fromb=

keit/ vmb tugendt/ jetzt iſt es ein war

recht lob. Laß fein/ d3 gleich die gantz

Welt verwerff / verſpot / ſo mag doch

das nit vnehrlich/ das Chriſtus lobt

vnd bewert / vnd ob dann die gantze

welt mit frewd worten lobtē/ ſo muß

doch ſchendtlich fein / das Gott miß=

fallet.

Von Fürſichtigkeit.

DJn gemeinliche Fürſichtig=

keit heißt man das / Gut

ernſtlich vberkommen vnd

gewinnen / das gewonnen

Gut wol behalten / vnd in

künff=

c6^v

Erklärung

künftiger zeit fürfehen. Also hörē wir
jetzt ernftlich allenthalb daruon reden
von denē/ die in kurtzer zeit jr gut meh=
ren/ das ift ein nützlicher Menfch/ er
ift gefcheid/ weiß / klug/ dapffer/ raht=
fchlegig/ fürfichtig/ diefes fpricht aber
die Welt die da lügenhafft ift/ als auch
jhr Vatter. Was fpricht aber die war=
heit? Du Narr vnd Thor / in diefer
Nacht werden fie fordern dein Seel /
diefer hat feine fchewren gefüllt mit
frucht/ vnd alle fpeißkañern voll na=
rung/ vil gelts hat er zufamen gelegt/
meinet jhm mangle jetzt nichts mehr /
wolle nun fürthin folches frölich ge=
niessen/ den nennet der HErr in dem
Euangelio/ einen Thoren. Dann was
ift nãrrifchers/ was torechters/ ja was
vnfinnigers/ dann mit groffer begird
fehen auff die fchatten/ vñ dieweil die
waren ding verlieren/ das wir fpotten
in dem Hund/ von dem Elopus fchrei=
bet? Solten wir folchs nit mehr ver=
fpotten in den litten der Chriftē? ja
wir folten es billicher beweynen. Der
ift nit gefcheid / vnd ift ein vnerfarner
Kauff=

c7^r

etlicher Wörter.
 Kauffmann / der da nicht weyß den
 ſpruch Terentij/ des Heyden / der da
 ſpricht: Das gelt zu zeitē ſo es fug hat
 verachten/ iſt ein groffer gewinn. Der
 iſt nicht weiß der da annimt ein klei=
 nen gewinn/ ſo jm dazumal vorſtehet /
 vnd weyß das jm ein künfftiger grof=
 fer ſchad darauß entfteht / Wie viel vn
 weißlicher iſt dann das / dieſem leben
 (das dem ſchatten gleich iſt) vnd alle
 ſtund wanckelbar/ zu fürſehē mit grof=
 ſem fleiß vnd ſorgfeltigkeit die ding/
 die vns Gott vberflüßig gnug gibt /
 vnd auff dz künfftig kein acht haben /
 das wir arbeytſäßig müſſen vertreibē/
 es ſey dañ das wir das mit groffer ſorg
 vnd acht fürkommen? Hör einen an=
 dern jrrfall. Man nennt den klug vnd
 erfahren / der alle neue māhr auff fe=
 het/ weyß was in der gantzen Welt
 geſchicht / was in diſem vñ dem Land
 fürgehe/ was die Fürftē rahtſchlagen/
 Kurtz / was in einer jeglichen ſach von
 einem jeglichen geſchäft allenthal=
 ben gehandelt wirdt / welcher das
 ſchwetzen kan vnd klapperen / bey ei=
 nem

c7^v

Erklärung

nem jeglichen/ den nennen sie weiß
 Was ist vnbedachters/ w3 vngefchick
 ters/ daß die ding/ die weit von dir ge=
 schehen vnd dich nichts angehen / er=
 faren / Vnd das in deinem hertzen vnd
 gemüt gehandelt wirt / vñ dich allein
 antrifft / von demselben gantz nichts
 gedenckē? Du sagest mir von den krie=
 gen in Britania. Sag mir als mehr
 was auffrhurs in deinem hertzen ist /
 zorn/ vergunft/ vnkeuschheit/ ehrgeitz/
 sihe wie du mit denen kriegst / wie du
 sie demmest/ wie du sie vertreibest vnd
 jagest / sie vberwindest / wie weit du
 noch von dem Sieg seyest / Wañ du in
 denen dingen fleißig werest vnd vor=
 sichtig / so wolte ich dich klug vnnd
 geschickt nennen. Der ist nicht weiß /
 der ihm selber nicht weiß ist.

Es ist gewonheit das die Mütter
 vnd Vätter weynen/ so jnen die kinder
 sterben/ schreien/ sie sind verlassen/ so
 doch nichts bessers ist/ dann ein seliger
 tod der Christen. Vnd wir solten nicht
 trauren vmb die/ die da sterben/ so sie
 Christus zu jm berufft auß dem kerker

c8^r

etlicher Wörter.

zu freyheit/ auß dem todt zu dem lebē/
 auß arbeit zu ruhe/ von der finfterniß
 zu dem ewigē liecht/ von trübfeligkeit
 vnd jammer/ zu ewiger feligkeit.

Von warem Adel.

VOn ehrlichen vnd edlen El=
 tern geborē fein/ achtet man
 groß/ Etlich zehlen jhr Ge=
 ſchlecht von altem her / jhr
 Großuätter/ jr Vranen / ver
 achten andre/ vñ achtē die ſelbē kaum
 menſchen. Diß ſol dich alles nit jrren /
 es ſind falſche Namē. Acht du (als jm
 ſelb iſt) daß das der höchſt adel iſt / wi=
 der geboren fein in Chriſto/ jhm einge=
 pflantz / ein leib / ein geiſt mit jm fein /
 Laß einen andern eines Königs Son
 fein / dir ſey gnug groß / das du biſt ein
 Son Gottes / ein bruder Chriſti / vnd
 ein Miterbe des reichs der Himmlen.
 Laß andere jnen ſelbs dariñ wolgefal
 len vñ groß fein / das ſie wohnē an den
 Höfen der Fürſten / Erwehle du mehr
 verworffen fein mit Daid in dem
 hauß des Herren. Niñ war/ Chriſtus
 hat

c8^v

Erklärung

hat außerwehlt/ die da nach der Welt
acht/ vnedel/ ſchwach/ Narren ſind/
in Adam werden wir all vnedel gebo=
ren/ in Chriſto ſind wir alle eins. Der
ware adel iſt / verachten den vnnützen
adel / Warer adel iſt / ſein ein Diener
Jefu Chriſti. Die ſind deine Elteren /
deren tugend du nach folgeſt. Alfo be=
weißt Jefus / ein rechter ſchetzer des
Adels / den Juden im Euangelio / die
ſich berümbtẽ ſein von dem geſchlecht
Abrahe/ jr ſeyd ſprach er/ auß dem Teu=
fel/ der iſt ewer Vatter/ vnd jr thut die
wercke eweres Vatters. Es iſt ein
ſchandtlicher Adel / dienen den laſtern
vnd Sünden / vnd mit Chriſto kein
freundſchafft haben. Chriſtus kennet
niemand dañ die/ die da thun den wil=
len ſeines Vatters/ der da iſt in den
Himlẽ. Der iſt ein ſchandtlicher Baſt=
hart/ der dẽ Teuffel hat zu einem Vat=
ter/ vnd ein jeglicher hat jhn zu einem
Vatter/ der ſeine werck thut. Es ſey
dann das Chriſtus gelogen hab / aber
die warheit mag nicht liegen. Der
höchſt Adel iſt/ ſein ein Son vñ Erbe
Gottes/

d1^r

etlicher Wörter.
 Gottes / ein Bruder vnd Miterben
 Chrifti. Was die Edlen meynen mit
 jren Wapen/ Schild vnd Helm/ da fe=
 hen fie zu / der Chriften ehrliche wapen
 find gemein allen / vnd das feind / das
 durchlechtig Creutz/ die dörnē kron/
 die negel/ die ſpeer/ die wunden Chrifti
 Jefu / deren ſich berümbt Paulus / das
 er die trag in feinem leib. Sehet nun /
 was vnterſcheid fey/ vnter dem Adel /
 den das gemein volck / vnd die welcli=
 chen groß achten / vnd dem Adel / der
 da zugehört den Chriften.
 Hienach folgen Chriftliche
 meynungen.
 EIn warer Chrift foll nicht
 meynen/ das er jm feibs allein
 geboren fey/ jhm felbs allein
 wölle leben/ fondern was er
 hat / was er ift / foll er jm felbs
 nicht zugeben/ fonder Gott/ von dem
 es kompt / dancken. Alles gut fo er hat/
 foll er ſchetzen allē Menſchen gemein
 zu fein / Chriftliche liebe weyß von kei=
 nem eygnen nicht. Die frommē hab er
 lieb in Chriſto / die Vnfrommen vmb
 d Chri=

d1^v

Erklerung

Chriftus willen/ der vns da wir noch
 feine feind warē/ also lieb hat gehabt /
 das er sich für vnser erlöfung gantz er=
 botten hat / die frommen foll er lieb
 haben / deßhalb das sie fromb find/ die
 Sünder / damit er sie fromb vnd gut
 mach. Gantz keinen Menfchen foll er
 haffen / gleich als ein trewer Artzet /
 halft nicht den krancken / fonder fleißt
 sich jm zu helfen / Den Laftern foll er
 allein feind fein / vnd fo der fchad vnd
 kranckheit gröffer ift / fo vil mehr fleiß
 kert an die Chriftliche liebe. Die La=
 fter vnd Sünd foll man vnterftehen
 in einem Sünder außzureuten vnnd
 verderben/ doch also/ das der Menfch
 bleib. Ein Chrift foll jederman guts
 gönnen/ guts reden/ guts thun. Er fol
 auch nicht fchaden denen / die es wol
 vmb jn verdient hetten/ vnd foll guts
 thun denen/ die es nicht befchuld ha=
 ben. Er foll sich frewen in aller men=
 fchen nutz/ als in feinem eignen/ Mehr
 foll jhn bekümmern vnd jm leyder fein
 der fchad feines nechften/ dann fein ei=
 gener/ vnd von feines Nechften nun
 foll

d2^r

etlicher Wörter.

foll er mehr frewd haben/ dañ von fei=
nem eignen. Ein Chrift foll nicht alfo
gedencken/ was gehet es mich an / ob
der weiß oder ſchwartz fey/ böß oder
gut / Er hat mir nichts guts gethan /
er hat mich geletzt / Deren dingen foll
ein Chrift keins gedencken/ fonder ge=
dencke was Chriftus dir hab gethan /
ob du es auch verdient habft / Der wil
das du die gutthat / die er dir gethan
hat nicht jm/ fonder deinem Nechften
vmb feinent willẽ widergelteft. Hab
acht was dein Nechfter bedarff/ vnd
was du vermögft / gedencke/ er ift dein
Bruder in dem HErrn / dein Miterbe
in Chriſto / mit dir ein glied an einem
leib/ mit einem mit dir erlößt / ein mit=
gefel eines glaubẽs/ zu einer gnad mit
dir / vñ zu einẽ künfftigẽ leben berufft /
dß foll dir allweg vor deinẽ augẽ fein.
Alfo ſpricht Paulus: ein leib / ein geift/
als jhr beruffen feid in einer hoffnung
ewer beruffung / Ein Herr / ein glaub /
ein Tauff / ein Gott vnd Vatter aller.
Wie kan dir nu der frembd fein/ mit dẽ
du in folcher einigkeit verknüpfft biſt?

d ij Das

d2^v

Erklärung

Das foll dir allweg vor deinen augen
 ſchwebẽ/ Er iſt dein bruder/ er iſt dein
 fleiſch/ gedenck allweg/ was ich einem
 glied thue/ das thue ich dem gantzen
 leib/ vnd damit dem haupt. Wir ſind
 all vntereinander glieder/ vnd ma=
 chen einen leib/ ſo wir durch liebe ge=
 gen einander verknüpfet ſind / das
 Haupt iſt Chriſtus vnd Gott. Was
 einem jeglichen glied gefchicht / es ſey
 gut oder böß/ das gefchicht dir vnd ei=
 nem jeglichen in fonderheit / Es ge=
 ſchicht Chriſto / es gefchicht Gott /
 Gott/ Chriſtus/ der Leib/ die Glieder/
 iſt alls eins. Diß Sprichtwort hat nit
 ftatt vnter dẽ Chriſtẽ / ſo man ſpricht:
 Gleich vnd gleich gefellet ſich gern /
 Vnd vngleich iſt ein vrfach des haß.
 Es iſt nicht Chriſtlich / das wir doch
 gemeinlich jetzt ſehen/ das je einer den
 andern veracht / je einer dem andern
 vergõnnet / der Bawer dem Bûr=
 ger / der Vnedel dem Edelen / der
 Reiche dem Armen / der Wahl dem
 Teufchen/ der Ley dem Prieſter / der
 Prieſter dem Mũnch/ vnd die Mũnch
 vnter=

d3^r

etlicher Wörter.
 vntereinander/ der Barfüßer dem Pre
 diger / der Prediger dem Auguftiner/
 vnd dergleichen in allen dingen / Wo
 ift da die liebe/ die den feind auch lieb
 hat/ fo wir einander haßen vmb eines
 3unammens willen / oder das der ein
 kleid an hat / einer andern farb dann
 ich/ oder ein andern gürtel od⁹ fchuch?
 Wir find alle glieder an einem leib/ all
 eins in einem haupt / wir haben das le
 ben all vñ einem geift. Vnd daruñ den
 ehrlichern vnd volkommern gliedern
 follen wir nicht vergönnen / vnd den
 fchwachen follē wir gern zu hülf kom
 men / Wir follē meynen/ dann fo wir
 einem andern guts thun/ das wir daf=
 felb gut empfangē haben / vñ das wir
 vns felber dann letzten vnd leyds thun/
 fo wir vnferen Nechften letzten vnd be
 leydigen. Niemandt foll fich fleiffen
 feim felbs vnd eygnem nutz/ fonder ein
 jeglicher fo er empfangen hat/ nach fei
 nem vermögen außzutheilen in die ge
 mein/ damit dz alle ding wider dahin
 kommen / daher fie dann flieffen/ das
 ift/ in das haupt. Diß erzelt gar hübfch
 d iij vnd

d3^v

Erklärung

vnd mit mehreren worten Paulus in
 der Epiftel/ fo er ſchreibt zu den Rö=
 mern in dem 12. capitel. vnd deßgleich
 in der Epiftel fo er ſchreibt den Corin=
 thiern am 12. capitel. Wie gehören
 nun die zu dem leib / oder wie ſind ſie
 glieder an dieſem leib / die da alfo redē/
 Das iſt mir zu erbe gefallen/ es iſt mein /
 ich hab es mit recht/ nicht mit betrug
 vberkommen / Warumb wolt ich es
 nit brauchen/ oder mißbrauchen nach
 meinem willē? Warumb wolt ich dar=
 uon geben dieſem oder dem/ dem ich
 nicht ſchuldig bin? Jch verzehre/ ich
 verthue es/ es iſt mein/ was mir ver=
 dirbt/ geht ander nicht an? Dein mit=
 glied/ etwa ein armer / rümpffet ſich
 vor hunger / vnd dir ſtoffen auff im
 hals die Rebhüner / fo du geſſen halt /
 dein Nechfter nackend vnd bloß zit=
 teret vor froit / vnnd dir verderben
 fo vil kleider von ſchaben vñ wūrmē/
 Du verſpielt ein Nacht tauſent gül=
 den/ vnd bißweilen iſt etwan ein jun=
 ge tochter/ die durch armut gezwun=
 gen wirdt/ jr ehr vnd ſcham zu verfe=
 tzen/

d4^r

etlicher Wörter.

tzen/ vnd verdirbt die Seel vmb deren
willen Chriftus fein lebē hat gestreckt.
Du sprichft/ was geht es mich an? das
mein ift / mit dem gehe ich vmb/ wie es
mir geliebt / Vnd mit folchem gemüt /
bedunckeft du dich felbes ein guter
Chrift fein/ fo du doch nit ein menfch
bift. Du höreft etwa in einer gefell=
fchafft/ einem vbel reden/ fein ehr ab=
fchneiden vñ verletzen / du fchweigef
oder haft vñ vielleicht ein wolgefallē dar=
inn/ du sprichft: Jch hett es verant=
wortet/ wer es mich etwas angängē/
Aber was gehet er mich an / ich habe
nichts mit ihm zu fchaffen. So haftu
warlich auch nit zu fchaffen mit dem
leib/ nicht mit den gliedern/ nicht mit
dem haupt Chrifto.

Man spricht/ Jch mag gewalt mit
gewalt vertreiben/ ich acht nicht was
die Keyferlichen gefatz zulaffen. Das
nimpt mich aber wunder/ wo her diefe
wort in die fittē der Chriftē feyen kom
men. Einer spricht / es ift war/ ich hab
jm fchadē gethan / aber ich bin von jm
vor angereitzt/ er hat mich beleydigt/

d iij Vnd

d4^v

Erklärung

Vnd darumb hab ich lieber wöllen jm
 schaden thun / dann das ich das mir
 lieffe geschehen. Laß also sein / die ge=
 fatz der Menschen straffen das nit das
 sie zuhaben gelassen. Was wirdt aber
 Christus dein Keyser thun / wann du
 sein Gefatz nicht haltest / das in dem
 Euangelio geschriben stehet? Also
 spricht Christus: Ich sag euch jr sol=
 lent nit widerstehn dem bösen / sonder
 so dich einer schlegt an einen backen /
 so biet jm auch den andern / vnd der da
 wil mit dir an dem Gericht zankē vñ
 dein Rock nemmen / laß jhm auch den
 Mantel / vnd der dich zwinget vnd
 nötiget eine Meil zu gehē / so gehe mit
 jhm die andern zu / Habt lieb ewere
 feinde / vnd thut denen guts / die euch
 böß thun / bittet für die / die euch ver=
 achten / verfolgen vnd fälschlich ver=
 klagē / damit das jr feyet kinder ewers
 Vatters / der da ist in den Himmlen=
 der sein Sonne lef auffgehen vber die
 guten vnd die bösen / vnd regnet vber
 die frommen vnd vnfrommen. Nun
 möcht ein Leye oder sonst einer spre=
 chen:

d5^r

etlicher Wörter.

chen: Er hat mir das nicht gefagt/ das
gehört Pfaffen vnd Mönchẽ zu. Haft
du nit gehört das er ſpricht / diß follet
jhr thun/ damit jr feyet Kinder ewers
Vatters der da im Himmel ift? Beger=
ftu nit ein Son zu fein Gottes / fo ge=
het dich diß gefatz nit an. Wiewol der
auch nit gut ift / der nicht vnderftehet
volkommen zu werden. Begerftu kein
lohn von Chriſto / fo geht dich diß nit
an. Dann am ſelben ort ſpricht Chri=
ftus: So jr die allein lieb habt die euch
lieb haben/ was lohns werdet jr dann
haben? Als ſprâch er/ keinen/ Man ift
keinem nit ſchuldig wo einer dem an=
dern widergiltet. Gleich dieſem gebot
lehret Paulus die Römer / Redet wol
(ſpricht er) denen die euch verfolgen/
vnd redet jn nit übel / jr follet niemand
böß vmb böß vergelten / Mag es fein
als viel an euch fteht / follet jhr mit je=
derman zu friedẽ fein/ follet euch felbs
nicht befchirmen/ fonder gebet ftatt
dem zorn / dann es ift gefchrieben/ Die
Rach (ſpricht Gott) ift mein/ vnd ich
wu vergelten. Hungert deinẽ feind/ fo
d v ſpeiß

d5^v

Erklärung

ſpeiß jn/ dũrftet jn / gib jm trinckẽ/ So
 du das thuft/ wirdt er durch folch dein
 gutthat erhitziget vñ angezündt gegẽ
 dir / dich auch wider lieb zu haben.
 Du mœchtest ſprechen/ was wirdt
 aber nachmals darauß/ ſo ich fein fre=
 uel mehr mit meiner ſenfftmutigkeit /
 vnd ſo ich leid ein vnwill / reiz ich jhn/
 vñ gib jm vrfach / mich mehr zu vnwil
 len? Magtu fein vnwill vñ die ſchma
 che/ ſo er dir zufügt on Sünd entflie=
 hen/ oder von dir treiben/ das verbeut
 dir niemand zu thun / Magt du aber
 das nicht / ſo leide es gedũltiglich ehe
 du jhn wider wõlleſt beleydigen / oder
 ſchmehen/ Magt du ſo beffer jn/ ent=
 weders das du jhn mit gutthat gantz
 vberſchũtteſt/ oder das du es mit tu=
 genthaffte vberwindeſt / Mag das je
 nicht fein/ ſo iſt nũtzer vnd beffer/ er
 verderb allein / dann jr beid/ vñ iſt nũ=
 tzer du werdeſt reich mit dem gewinn
 der gedult/ dann das du ſo du jhm böß
 vmb böß widergũlteſt/ auch böß wũr=
 deſt. Vnd darumb iſt das ein Chrift=
 lich gebot/ das wir mit allen Men=
 ſchen

d6^r

etlicher Wörter.
 ſchen ſollen ſtreitten mit Liebe / mit
 ſenfftmutigkeit/ mit gutthat/ Aber in
 Zanck / in Haß / in Ehr abſchneiden /
 in Schmach / in Vbel / ſollen wir jeder=
 man weichen/ auch dem allergering=
 ſten. Du möchteſt aber ſprechen: Er
 iſt ſein aber nicht wirdig/ das ich jm
 nachlaß/ das ich jhm ſchweig/ das ich
 jm weich/ oder das ich jhm guts thue.
 Laß es alfo ſein: Es iſt aber zimlich
 das du das thueſt / Auch iſt Chriſtus
 des wol wirdig vmb des willen es ge=
 ſchicht. Du möchteſt ſprechen / ich
 wil niemand letzen/ ich wil aber auch
 nicht leiden das mich jemandt letze.
 Jch ſage dir / ſo du geletzt wüdeſt / ſo
 muſt du von Hertzen nachlaſſen die
 ſchmach/ Vnd damit hüte dich/ das
 nicht in dir ſey / das man dir muß
 nachlaſſen. Alfo fleißig ſolt du ſein/
 das du niemandt erzürneſt / als ge=
 neigt du biſt leichtlich zu verzeihen/
 ſo dir von einem anderen leyd ge=
 ſchicht. So viel du höher biſt / ſo
 viel demütige dich/ in allen din=
 gen / darmit du jederman mögeſt
 dienen

d6^v

Erklärung

dienen in liebe. Biftu von edlem ftam=
 men geboren/ fo werden folche Chrif=
 tliche fitten deinen Adel nicht verdun=
 ckelen vnd verbleichẽ/ fo nder mehr zie
 ren/ Biftu gelehrt/ fo vil befcheidener
 magtu dulden / vnd befferen die vn=
 weißheit vnd vngefchickligkeit der vn
 gelehrten/ So viel dir mehr vertraut
 ift von Gott vnd gegeben / fo viel bift
 du deinem Nechften mehr fchuldig.
 Bift du reich/ fo gedenck das du ein
 Schaffner bift/ nicht ein Herr/ vnd ke=
 re groffen fleiß an / wie du trewlich
 handleft mit dem gemeinen gut. Et=
 liche meynen allein die Mũnch follten
 arm fein/ nichts eygens habẽ/ fie habẽ
 das gelobt/ jnẽ fey es allein gebotten.
 Das ift ein großer jrrfall / das trifft an
 alle Chriften/ Ob fchon dz Gefetz dich
 nicht ftrafft / fo du einem andern das
 fein nimpft / oder das dein nicht thei=
 left mit deinem Nechften/ der dein be=
 darff / fo wirdt doch das Chriftus ftraf
 fen. Biftu ein Amptmann / die ehr foll
 dich nicht hochmütiger machen vnd
 frecher/ fonder folche bürde/ fo du auff
 dich

d7^r

etlicher Wörter.
 dich haft genommen/ soll dich viel de=
 fto mehr sorgfeltiger machen.
 Einer spricht / ich bin nicht Geift=
 lich/ ich bin nicht ein Pfarherr/ ich bin
 kein Bischoff. Laß es also fein. Du bist
 aber ein Christ. Bistu nicht geistlich /
 so bistu Weltlich / Sihe wes Son du
 seyest/ daß der Teuffel ist ein Fürst der
 Welt / vnd ein Vatter der weltkinder.
 Also gar ist Christus jetzt in der Welt
 verachtet vnd verpottet/ das man
 hübsch vnd königlich schätzt / nicht
 mit jm zu schaffen haben / Vnd so viel
 einer sich näher zu Christo zeucht / so
 vil er mehr mit Christo verwandt ist /
 so vil er mehr verachtet ist. Das hören
 wir täglich / wañ die Leyẽ zornig wer
 den/ so können sie vns nichts verweif=
 fen / dann das sie vns Christum auff=
 heben / vnd sprechen: Der Pfaff / der
 Munch / vnd mit dem meynen sie / sie
 haben vns gar gröblich erzürnt vñ ge
 schmehet. In dieser gestalt findestu/ so
 du der menschlichen dingẽ warnimpft
 taufent vnd taufenterley jrrung/ da=
 mit die welt verblendet ist / vnd spro=
 chen:

d7^v

Erklerung

chen: das gut sey böß / vñ das böß gut /
 süß sey bitter / vnd bitter sey süß. Vnd
 das alles muß ein warer Chrift ver=
 achten/ vnd mitleiden haben mit de=
 nen/ die da also jrren/ damit er sie bef=
 fer mög machen. Hüť dich/ denck nicht
 also / das thut jederman / das haben
 vnserẽ forderẽ gethan/ der Pfaff thut
 es/ der Mũnch / der Bifchoff / diefe na=
 men laß dich nicht jrren. Nicht meyn
 das es darumb recht sey/ sonder dann
 ist es recht/ so es geschicht nach der re=
 gel vnd lehre Chrifti. Demnach sol ein
 Chrift seine werck / wort/ vnd alle ge=
 dancken / alles thun vnd lassen / rich=
 ten. Vnser fũrbild ist Chriftus/ dem sol
 len wir vns vergleichen / wo wir eines
 fingers breyt von jm weichen / so jrren
 wir. Sihe nicht was ander leut thun /
 du bist ein Son des liechts/ laß die blin=
 den blinden fũren/ vnd richt du deine
 augen in dein Bildner Chriftum/ von
 dem weich nicht/ du magst nit jrren so
 du ihm nachfolgest / Er ist der weg/ er
 ist die thũr vnd pfort/ er ist das liecht/
 er ist die warheit / nicht bist du in der
 fin=

d8^r

etlicher Wörter.

finfterniß fo du jhm nachgehft. Allein
Chriftus foll dir gnug fein recht zu le=
ben. Diefes hab ich hieher gefetzt / vnd
villeicht mit mehr worten / dann die=
fem Bûchlein zim̃. Doch hab ich das
darumb gethan/ damit der/ fo diefe vn
terweifungen lese / weyß was da feyen
die verkerte meynungen/ die da auß=
gereutet follen werden/ auß dem her=
tzen des künfftigen Fürften: Dañ auß
denen/ als auß einem Bronnen / flief=
fen alle Lafter des Menfchlichen le=
bens. Dargegen/ was da feind die gu=
ten/ ehrlichen/ Chriftlichen meynun=
gen die man ein foll pflantzen in das
junge hertz des Fürften / darauß dann
fein leben ehrlich vnnnd Chriftlich fein
wirdt.

AVff eine zeit lag ein Löw vnd
fchlieff/ ein Mauß lieff jm vnge=
fehr vber den Rücken / er fuhre
auff / vnd erwücht die mauß / vñ wolt
fie tödten. Die Mauß bat jn / er folt es
jhr verzeihen/ vnd folt fie lebendig laf=
fen. Der Löw gedacht in jm felber/ ob
du fie fchon tödteft/ fo haftu kein ehr iñ
gelegt/

11.

d8^v

Erklerung

gelegt / du wilt dich felbs beffer dūn=
 cken / vnd ließ sie gehen. Bald darnach
 begab es sich / das der Löw gefangen
 ward in einem Seyl / die Mauß hört
 fein brüllen vnd lieff hin zu/ zerbeiß die
 Seyl / vnd lediget den Löwen.
 EIn Omeyß fteig in einen Brun=
 nen das sie trincken wolt / sie fiel
 in das wasser / mocht sich nimer
 erhalten / vnd was jetzt nahe darbey/
 das sie wolt ertrinckē. Diefes sahe ein
 Taub auff dem Baum / warff jr hinab
 ein åftlein / Die Omeyß kroch darauff/
 vnd kam also herauß. Jndem kam ein
 Vogler / der hatt fein Kloben gericht
 der Tauben / die Omeyß kroch hinzu /
 vnd beiß den Vogler in ein fuß / der
 Vogler befand des schmerzzen vnnd
 warff von jm den kloben / vnd kam al=
 ES begab sich auff ein zeit / das
 ein Adler einen Hafen jagt / der
 Haß entflohe in die hūle eines
 Käfers/ vnd bate den Käfer das er jm
 beholffen wer/ Der Käfer bat den Ad=
 ler/ das er den Hafen nicht tödtet/ vnd
 des

e1^r

etlicher Wörter.
 des ermant er jn bey Jupiter dem höch
 ften vnd oberften vnter den Göttern.
 Der Adler ward zornig/ ſchluge den
 Kefer mit dem fetchen/ erwüfcht den
 Hafen / vñ zerrifs jn. Der Kefer hat ein
 verdrieß/ das jhn der Adler verachtet
 vnd nit gewärt hat / flog mit jhm vnd
 erkündet fein neft / warff jm die Eyer
 herauß/ vnnd zerbrach fie. Der Adler
 verwunderet ſich das jemandt ſo fre=
 uel were / der diß hett dörffen vnter=
 ftehen/ Hat fein neft an ein ander ort
 gemacht. Diß hat der Kefer auch fun=
 den/ vñ jm gleich wie vor gethan. Der
 Adler hat kein rhat kōñen finden / wie
 er jhm thu/ ift hinauff geflogen zu Ju=
 piter (dann diefer Vogel ift jhm zuge=
 eygnet) hat Eyer in fein ſchoß gelegt/
 hat fie jhm befolhen/ vnd jn gebetten/
 das er jn befchirm. Der Kefer hat auß
 dem mißt in dem er wonet/ kügelin ge=
 macht / vnnd hat fie getragen in den
 ſchoß Jupiters zu den Eyeren des Ad=
 lers. Jupiter als er des mißts jnnen ift
 worden/ ift er auffgeftanden / vnd hat
 wöllẽ den mißt auß dẽ ſchoß ſchütten /
 e da

e1^v

Erklärung

da hat er mit dem auch verchüttet
 die Eyer. Da nun Jupiter die sach er=
 fuhr von dem Kefer/ das er diß daruñ
 thet/ das er sich an dem Adler rechet/
 der da nicht allein jñ / fonder auch Ju=
 piter gefchmecht hette. Diweil nun
 Jupiter nicht wolt daß das gantz ge=
 fchlecht der Adler abgieng/ bate er den
 Kefer/ das er sich mit dem Adler wi=
 der verfünete. Diß hat der Kefer nicht
 wöllen thun. Da hat Jupiter dem Ad=
 ler ein ander zeit geben Eyer zu legen/
 vnnd junge zu machen / dann wann
 kein Kefer mehr ift.

IIII.

PHaeton was ein Son der Son=
 nen/ bate auff ein zeit den Vat=
 ter/ das er jhn auch ließ den wa=
 gen füren / der Vatter fchlug jhm das
 ab / deßhalb das er jung vnnd der fach
 vnbericht war/ er lag jm an mit bittē/
 zuletzt verwilliget jm der Vatter. Am
 morgen frů was Phaeton auff / vnd
 faß auff die Rofs den wagen der Son=
 nen zu führē / die Rofs fcheuhetē ab jm
 als ab einem vngewonten/ fiengen an
 zu lauffen/ vnd hette wenig gefehlt/ er
 hette

e2^r

etlicher Wörter.
 hette den Himmel vnnd die Erde ver=
 brennt.
 Cyclops oder Polyphemus ift ge= V.
 wesen ein groffer Mann/ hat ge=
 habt nur ein aug an der ftirnen/
 fo ftarck das er auff hube ein ftein vñ
 felfen / den 20. joch Ochfen nicht moch
 ten bewegen. Zu diefem ift kommen
 Vlyffes mit feinen gefellen / als er wolt
 fahren in Siciliam / vnnd hat mit jhm
 bracht 3. eymer des beftē weins. Nach
 dem nun Vlyffes mit jm vil geredt/ hat
 er jn gebetten das er jhn mit feinen ge=
 fellen on fchaden laß faren / vnd hat jn
 ermant des höchften Gotts Jupiters.
 Polyphemus gab jm ftoltze antwort /
 vñ fprach: Er fragte nichts nach Ju=
 piter/ geb nichts vmb jn / vnd mit dem
 erwüfcht er 2. feiner gefellen / vnd fraß
 fie/ wie ein grimm Thier. Deßgleichen
 thet er am anderen morgen/ vnd auch
 am abent. Vlyffes beforgt das jm vnd
 den übrigen auch alfo gefchehe / vnnd
 bracht jm den einen eymer Wein / da=
 mit er fein vnd feiner gefellen fchonet.
 Polyphemus fagt jhm das zu / fo fern
 e ij das

e2^v

Erklerung

- VI. das er jm mehr wein geb / da er jm nun
zum drittē wein bracht/ ward er trun=
cken / vnd verlor sein vernunft/ fiel ni=
der vnd schlieff. Da diß Vlyffes fahe/
ftach er jhm auß das aug vnd blendet
jn / damit er vñ seine gefellē entruñen.
TRagedia ift ein gedicht od⁹ fpiel/
in dem iñgefürt werdē die hen=
del vnd gefchichten der groffen
Herren vnnd Fürften / auch der Kōni=
ge/ gewöhnlich mit frōlichem anfang
vnd mittel/ doch mit trawrigem ende
vñ leydigem außgang. Solch gedicht
ward bey den Griechen vnd Rōmern
vor dem volck durch perfonē gefpielt/
vnnd diß heißt in latein Tragedia/ in
VI. teutfch hab ichs genēt/ ein Traurpiel.
KEmpffmeifter werden in latein
genent Lanifte/ welchem wōrt=
lein ich keins in teutfch weiß dz
jm gleich fey/ dann der brauch der La=
niften zu vnferen zeiten/ nicht ift im
Teutfchē land / als etwan zu Rom vñ
anderßwo gewefen ift. Dann Lanifte
find die da vnterrichteten vnd übten
die/ fo vmb das leben oder mehrerteil
ver=

e3^r

etlicher Wörter.
 verletzung des leibs/ öffentlich mit ein
 ander kempfften/ zu wolluft des zufe=
 henden Volcks. Die auch diefelbigen
 Kempffer kauften / vnnd widerumb
 leichtlich verkaufften / fo oft man of=
 fentlich kempffpiel halten wolt / gar
 gering fie fchatzten/ allein das fie ab jn
 gelt loßten. Welchs doch ein vnmen=
 fchlich/ als auch Cicero fagt/ fchau=
 fpiel gewefen ift. Dann man find zu
 Rom etlich hundert zu einer zeit ein
 ander in eim folchen fpiel getödt ha=
 ben. Nun deren kempffern vnnterwei=
 fer/ Käußer vn̄ Verkäußer/ lateinifch
 Laniften genent/ hab ich Kempffmei=
 fter genennet/ Vnd die Kempffer / jhr
 eignen Knecht.

Circe (als da fagen die Fabeln der
 Poeten) ift gewefen ein Zaube=
 rin / vnnd als Vlyffes von Troya
 wider heim fchiffte/ ift er mit feinen ge=
 fellen bey jr innkert/ Da hat fie alle ge=
 fellen Vlyffis/ durch zauberlift veren=
 dert in mancherley gefalt der vnuer=
 nünftigen wildē thieren. Vlyffes aber
 e iij allein

VII.

e3^v

-
- Erklerung
 allein hat sich fürfehen vnd für folchs
 bewart / mit der wurtzeln Moly.
 DJdrachmum thut 2. drachma.
 VIII. Drachma ift ein müntz / gilt 6.
 heller. Jch acht bey vns als vil/
 als ein kreutzer oder etwz mehr. Solch
 Didrachma hat ein jeglich Menfch jâr
 lich dem Rômifchẽ Keyfer bezalt. Diß
 ift dz von dem man redt Luce am an=
 dern Capitel/ Darumb das gantz land
 befchrieben warde von Cyrenio dem
 Amptman Augufti des Keyfers/ Von
 dem redt auch hie der Herr im Euan=
 gelio Matthei am 17 Capitel. Diefes
 zu geben haben fich gewideret die Ju=
 den/ Darumb fie dann den Herren lief=
 fen fragen / ob fie das tribut folten ge=
 ben dem Keyfer?
- IX. ES ift bey den Egyptern fitt ge=
 wesen / die ding anzuzeigẽ durch
 Hierogly phice no figuren vnd bildung / als durch
 te. Sonn vnnd Mon. Jtem fo fie wolten
 bedeuten zorn/ malten fie ein Löwen/
 So fie anzeigen woltẽ neid/ ein fchlã=
 gen vnd dergleichen andere ding / Die
 Seel des Menfchen bey einem Adler.
 Come=

e4^r

etlicher Wörter.

X.

COmedia / ift ein ſpiel gewont ge=
wefen bey den Griechen vnd R^o=
mern/ in dem beſchrieben vñ inn=
gefürt werden Perſonen. Diß ſpiel ift
von gemeinen Menſchlichen hendlen/
in dem als in einem Bildner die Men=
ſchen warnemen mögen der laſter /
ſich daruor zu hüten. In Comedien ift
gewonlich der anfang vnd mittel vn=
rúwig vñ vol leyds/ Aber das end fr^o=
lich vnd glöcklich. Solche Comedien
ſchreibt Terentius vnd Plautus.

PHalaris ift gewefen ein groffer
Wüterich/ Dem hat einer ge=
nent Perillus/ angeben zu ma=
chen ein ding die Menſchen zu peini=
gẽ/ Nemlich alfo: Ein Erenẽ ochſen /
darinn die Menſchen geſchloffen/ vnd
vnter den ochſen ein fewr oder glut/ ſo
dann der ochß heiß ward / vnd ſein die
darinn waren / befunden/ ſchryen ſie
wie ein ochß. Vnd nach dem Perillus
dem Wüterich dieſen neuen fund
angeben hatte/ hat jhn Phalaris ſelbs
hinein zum erften geſchloffen / das er
probiert ob es alfo were/ als er fürge=
ben

XI.

e4^v

XII.

Erklerung
ben hatte/ Vñ alfo hat er jn zum erften
mit getödt.
DReierley güter/ güter des glü=
ckes/ als da ift reichumb/ zeit=
lich gut / ehr / wirde/ gewalt.
Güter des leibs/ als fchöne/ gerade des
leibs/ ftercke/ Adel/ vnd der glei=
chen. Güter der Seelen/
als frombkeit vnnd
tugenden.

Von